

شرح آيات الجزء الرابع عشر | اللقاء) 41 (| #ختمة_تعارف | د

. حازم شومان

حازم شومان

السلام عليكم ورحمة الله وبركاته. الحمد لله وكفى وصلة وسلاما على اعماله الذين اصطفى. اللهم لك الحمد كله ولكل الملك كله. وبيدك الخير كله واليک يرجع الامر كله. اللهم صل على عبدك ونبيك محمد صلى الله عليه وسلم. في الاولين والاخرين والملأ الاعلى الى يوم الدين. اما بعد - 00:00:00

احبابي في الله الواحد بيس بشير بالناس اللي بتقعد قدام بصرامة. بيحس ان ايه هيواصلوا ان شاء الله بازن الله. انما اللي بيسنده على العواميد بدون طبعا يعني ايه بدون آآ بدون ما يكون فيه سبب يعني لو واحد ضهره تعان ها زي الشيخ فؤاد كده خلاص ماشي ما فيش مشكلة يعني. انما لو حد ضهره مش تعان آآ 00:00:24 السند على عواميد خطر يا جماعة. بعد تلات دقايق ما يبقاش معنا يعني المهم النهاردة هنتكلم عن صور ايه ان شاء الله ها هنتكلم عن صورة ايه النهاردة ان شاء الله؟ مسابقة بقى مين اللي يكتشف صورة النهاردة؟ سورة الحجر والنحل بازن الله سبحانه وتعالى سورة الحجر والنحل عشان نركز - 00:00:44

مع بعض يا اخوانى في الله. سورة الحجر يعني بتتكلم عن ايه ؟ سورة الحجر يعني اول مشهد فيها مشهد يزلزل القلب. ربما يود الذين كفروا لو كانوا مسلمين مشهد لما الكفار وعصاة المسلمين يدخلوا زنازين جهنم مع بعض. وبعد كده بيجي افراج عن عصاة المسلمين بعد - 00:01:05

فترة بعد ما اخذوا ما يستوجب عليهم من عذاب. بيجي افراج فلان الفلاني افراج فلان الفلاني افراج. طب والباقي يستشرفه كده؟ لا ده انت خالدين في جهنم والعياذ بالله اصل انت مشكلتكم مش معاصي. دا انت تهمتكم كفر والعياذ بالله. خلود في جهنم ف ساعتها وهم شايفين العصاة. عصاة - 00:01:25

المسلمين خارجين من جهنم ربما يودوا الذين كفروا لو كانوا مسلمين. مشهد تقطيع قلب بعد ما حجر عليهم في نار جهنم في سورة الحجر يا اخوانى في الله سورة الحجر بتتكلم عن ايه ؟ سورة الحجر ربنا بيقول لك ولقد جعلنا في السماء بروجا زيناها - 00:01:45 ولقد جعلنا في السماء بروجا وزيناها. يعني ربنا زين لك السماء. وفي نفس الوقت قال رب بما اغويتني لازين لهم في الارض يبقى ربنا بيزين في السماء فوق. والشيطان بيزين في الارض تحت. ربنا يريد انك تبص لفوق وانك تعلى لفوق - 00:02:05 والشيطان يريد انك تبص لتحت وانك ترتبط بالشهوات اللي تحت وهي معركة وما بين الایتين دول ربنا سبحانه وتعالى بيقول واد قال رب الملائكة اني خالق بشر من صلصال من حما مسنون. تخيل اللي مخلوق من صلصال ده. اللي مخلوقة من صلصال ده. ممكن تبقى قفة - 00:02:25

الفاسدات وممكن تبقى اعبد العابدات. الانسان كده يا جماعة. الانسان اصل خلقته قابل انه يتشكل انه يبقى عابد داعي مجاهد وقابل انه يبقى فاجر فاسد والعياذ بالله. وما بين دول تزيين السماء من الله - 00:02:45 وتزيين الارض من الشيطان وهي معركة انت هتتشد لفوق ولا هتتشد لتحت عشان كده ما بينهما قول الله سبحانه وتعالى ولقد علمنا منكم ولقد علمنا ايه المستأجرين ولقد علمنا المستقدمين منكم في ناس عايزه تتطلع لقادم. في ناس عايزه تتقدم في علاقتها بربنا. وفي ناس قاعدة تستأخر. وفي ناس قاعدة - 00:03:05

ترجع لورا. فيه ناس قاعدة ترتبط بالاتصال بالله. وفيه ناس يعني كان يعني بعض الناس يدخل في الصلاة مع النبي عليه الصلاة والسلام. واحد مشغول انه يطلع قدام عشان يقرب اكتر من ربنا. عشان يستشرف اكتر في لقاء مولاه. وواحد عايز يرجع ورا عشان فيه - 00:03:28

نساء ورا في المسجد ممكن ينظر لحد فتخيل فربنا نزل قوله ولقد علمنا المستقدمين منكم اللي عايز يتصل بالخالق ولقد علمنا متاخرين اللي عايز يتصل بالمخلوق. ولقد علمنا المستقدمين منكم. اللي عايز ينظر للسماء وتزيين الله في السماء. ولقد علمنا المستاخرين. اللي عايز - 00:03:48

ينظر لتزيين الشيطان في الارض قضية يا جماعة. قضية وانت صلصال ما بين الاثنين. يا تتشكل على ده يا تتشكل على ده. قضية كبيرة قوي. قضية اه آآ سورة الحجر. عشان كده يعني اسم سورة الحجر. اسم نفسه غريب. يعني قبل ما نعلق على اسم سورة الحجر ربنا سبحانه وتعالى بيقول لك ولقد - 00:04:08

اتيناك سبعا من المثاني والقرآن العظيم ها لا تمدن عينيك الى ما متعنا به ازواجا منهم زهرة الحياة الدنيا ولقد اتيناك سبعا من المثاني والقرآن العظيم. ربنا بيقول للنبي انا نزلت لك ده من السما. بيقول للمؤمنين انا نزلت لكم القرآن ده. الاية اللي بعد - 00:04:28
لا تمدن عينيك الى ما متعنا به ازواجا منهم. كانك يا اما تبص لكلام الله وترتبط بكلام الله يا اما تبص للدنيا وترتبط بالدنيا. يعني معناها اووعي تصرف بصرك عن القرآن. عشان كده ربنا قال لا تمدن عينيك. مش لا تنظر مد العين زي مد الاید. واحد - 00:04:48
شايف فلوس او مجوهرات عايز يمد ايده ياخدها. احيانا فيه واحد بيشفوف دنيا هيموت عليها. عينيها تطلع من مكانها تتمدد عليها تاخدها لأن عينيها تطلع من مكانها لا تمدن عينيك. اووعي تبص اووعي تبص عينيك مش لا تمدن قلبك. عينيك نفسها ما تطلع. لأن القلب - 00:05:08

اطبع البصر الى ما متعنا به شوية متع وتنتهي. ازواجا منهم زهرة الحياة الدنيا. يعني دي ازهار كل برج انت شايفه زاهرة كل عربية جديدة انت شايفها زاهرة كل آآ يعني يعني فتننة من فتن الدنيا والمترجفات زاهرة كل مشهد من مشاهد الاموات - 00:05:28
زهرة والازهار بتبدل يا جماعة والازهار هتنتهي ومصيبة البشر انه الازهار جواها رحique. الرحique ده عسل صافي خالص البشر عايزين الدنيا صافية وعمرها ما تصفى وعايزين الدنيا خالصة وعمرها ما تخلص لمخلوق. هي دي مشكلة الدنيا. ان كله عايز الرحique بتاع زهرة الدنيا. وللاسف الشديد الرحique - 00:05:48

حقيقي يسوقون من رحique مختوم في الجنة. انما الدنيا ازهار وتهبدل. وكل الدنيا دي هتبديل. سورة الحجر بتتكلم عن ايه يا جماعة؟ سورة الحجر من اسمها كده في انسان عايز يحافظ على نفسه فيبيجيب الاحجار بتاعة الجبال وبيني حوالين نفسه آآ حصون زي اليهود اما - 00:06:12

حوالين نفسهم مستوطنات يعني حوالين نفسه حصون عشان يتحصن بها من اي مشكلة. من اي ظاهرة طبيعية. وقدرة ربنا على تعذيب العصاة لا يقف امامها شيء. انا نحن نزلنا الذكر وانا له لحافظون. ربنا بيtalk عن نفسه حفظ الله للسماء - 00:06:32

بعد كده وان من شيء الا عندنا خرائط. الخزنة دي بتحفظ الحاجة اللي جواها. حفظ الله للنعم. بعد قبل كده ارض مددناها والقينا فيها رواسي وابتنا فيها من كل شيء موزون. لولا التوازن اللي في الارض الارض كانت هلكت حفظ الله للارض. اخر - 00:07:12
الصورة انا كفيناك المستهزئين. حفظ الله لاولياؤه. عشان كده سورة الحجر اتسمت باسم الحجر. لأن قوم ثمود كانوا بيعملوا الحجر ده وينحتوا بيوت في الجبال عشان اي ظاهرة طبيعية ما تقدرشن تهزمهم. اي حاجة ما تقدرشن تهلكهم. اي عقوبة ما تقدرشن - 00:07:32
تيجي عليهم فلما جت الصيحة الصيحة ده عذاب بالصوت. تغلغل جوة البيوت وجوة الحجر بتاعهم. واهلكهم جواه. فاصبح الحجر لرمزا ان الانسان ما يقدرشن يحفظ نفسه. وما يقدرشن يحفظ النعم اللي هو فيها. ولو عصى ربنا بيهلكه. مهمما حاول انه يحفظ نفسه -

انا نحن نزلنا الذكر وانا له لحافظون. معجزة ان القرآن زي ما هو لحد دلوقتي يا جماعة. ثلاثة وسبعين فرقة ضالة. كل فرقة بتحاول تحرف في القرآن لدرجة ان احد الضلال في قول الله الرحمن على العرش استوى كان بيقول نفسه يشيل كلمة استوى دي من القرآن وعايز يخليلها استولى - 00:08:12

عشان يأول صفات الله سبحانه وتعالى ثلاثة وسبعين فرقة وجه التتار وجه المغول وجه الصليبيين والامة اتيحت مرات كثيرة جدا وما حدش عارف يحرف القرآن. دي معجزة من ربنا. لما ربنا يقول ولقد جعلنا في السماء بروجا. وزينتها للناظرين - 00:08:32
خذناها من كل شيطان رجيم. السما دي يا جماعة المكان اللي بتقسم فيه الارزاق في الدنيا مراكز التسلیم. وفي السماء منابع والانسان قلبه بيتعلق بمراكز التسلیم مش بمنابع التقسيم. ففوق الاخبار بتنزل فوق. توزيع القدر بينزل. لو كان - 00:08:52
ربنا ما حفظش السما. كانت الشياطين بهدللت الناس قد ايه. وابتتنا فيها من كل شيء موزون. من اخطر الظواهر الفيزيائية والطبيعية هي في الكرة الارضية التوازن في كل حاجة. التوازن لو الدنيا ما كانتش متوازنة كانت الحياة حصل فيها ايه؟ لو دورت كل عنصر من عناصر الارض - 00:09:12

ما كانتش متوازنة. كانت الدنيا حصل فيها ايه؟ انا كفيناك المستهزيئين. حفز ربنا الاولياء وكفاية الله سبحانه وتعالى لاولياء الرسالة اللي صورة الحجر بتحطها في رقبة كل انسان قبل ما بتغادرها. قول الله سبحانه وتعالى - 00:09:32
فاصدع بما تؤمر. فاصدع بما تؤمر. الصدع انك تعمل شرخ في جدار الباطن. يبقى المفروض انك بتضرب في جدار الباطل لحد ما شرخ ورا شرخ جدار الباطل ينهار. يبقى دي الرسالة بتاعتنا اللي بتتحدى عندها سورة الحجر. وفي النهاية ولقد نعلم - 00:09:49

يضيق صدرك بما يقولون. فسبح بحمد ربكم وكن من الساجدين. واعبد ربكم حتى يأتيك اليقين. اعبد ربكم حتى يأتيك اليقين لحد ما بيجي وعد ربنا. لحد ما بيجي تحقيق وعود ربنا في الدنيا وفي الآخرة. نهاية سورة الحجر. بتسلم لبداية سورة النحل - 00:10:09
اتي امر الله فلا تستعجلوه. اعبد ربكم حتى يأتيك. اليقين اتي امر الله فلا تستعجلوه. يبقى اذا سورة النحل بتتلسم من سورة عشان تسلمك لموضع تاني من موضع الايمان. يبقى عرفنا يا جماعة سورة الحجر بتتكلم عن ايه؟ حفظ الله سبحانه وتعالى. تذكرنا المشهد الاولاني - 00:10:29

في سورة الحجر ساعة ما تنتفتح زنازين جهنم ويخرج عصاة المسلمين ويبقى المخلدين من الكفار في جهنم يتعرسوا على ضياع فرصة الاسلام عليهم في الدنيا. عرفنا سورة الحجر وهي بتتكلم عن تزيين الله للسماء وتزيين الشيطان للارض ومعركة - 00:10:49
صلصال البشري ما بين انه يتشكل على انه يبص لفوق ويطلع ويسموا او انه يبص تحت ويبقى اسفل سافلين وينحدر والعياذ الله وما بين الاثنين ولقد علمنا المستقدمين منكم ولقد علمنا المستأخرين مين اللي هيطلع لقادم ومين اللي هيرجع لورا مين اللي - 00:11:09
يتقدم في الدين ومين اللي هيتأخر في الدين وفي النهاية فاصدع بما تؤمر. فاصدع بما تؤمر. كافح لحد ما بنيان الباطل يتهد. اوعى بطل دعوة اوعى ببطل جهاد في سبيل الله لحد ما بنيان الباطل يتهد. الوقتي سورة النحل يا جماعة. سورة النحل بتتكلم عن ايه؟ سورة النحل - 00:11:29

اول حاجة بتتكلم عنها الفيلا او القصر او الاستقبال الملكي اللي ربنا استقبلك به في الدنيا دي. انت حته نطفة آآ اتنتم في رحم وخرجت عاري حافي عاري من بطن الام. لقيت الف ايد مستقبلاك بفرحة مهولة. يعني كأن كنز من دهب - 00:11:49
لو كنز من دهب ما كانوش استقبلوه بالفرحه ديت. ولقيت الدنيا كلها ايد بتلفك. وايد بتحضنك. وايد بتطمئن عليك وبتطبّط علىك ولقيت حنان جارف. ولقيت دنيا طويلة عريضة مستنياك. ولقيت مليارات النعم في انتظارك. انت مين اصلا؟ عشان - 00:12:09
كل ده يتعمل لك عشان كده قبل ما ربنا يكلمك عن القصر الرهيب. اللي ربنا خلقه في انتظارك عن الفيلا الباهرة اللي ربنا عملها لك قبل ما ربنا يكلمك عن مكونات الاستقبال الملكي للانسان في الدنيا ديت. استنى افتكر الاول هو مين وانت مين؟ احسن لما تشوف النعم دي - 00:12:29

تفتكر انها بتاعتك بجد احسن لما تشووف الشمس والقمر والنجوم تفتكر ان الكلام ده بتاعك بجد وتفتكر انك تستاهل الوضع اللي انت فيه وتمشي على ارض فاكر نفسك يا ما هنا يا ما هناك استنى. خلق السماوات والارض بالحق. تعال عما يشركون. اعرف هو مين.
واعرف قدرته ايه - 00:12:49

خلق الانسان من نطفة. النطفة دي في اللغة لما جردن مایة يتكد ويتبقي نقطة في قاع جردن المایة. يعني النطفة دي نقطة في قاع جردة للمية انت كت ايه اصلا! انت كت آآ حيوان منوي من وسط نص مليار حيوان منوي بيتنافسوا عشان يوصلوا بويضة! قصة طويلة عريضة - 00:13:09

كل ما تتغير في نفسك او قبل ما ربنا يكلمك عن النعم كلها. ربنا بيقول لك افتكر هو مين وانت مين. افتكر من هو الله ومن هو استنى عشان النطفة بس ما تجييش ايه لما تشووف كل اللي ربنا عمله لها تفتكر انها حاجة - 00:13:29

اول حاجة في مكونات الفيلا او قبل حتى ما نتكلم عن الفيلا اللي ربنا عملها لك ونتكلم عن مكوناتها. تعالوا يا جماعة نشووف بس يعني ملحم كده عن بعض التفاصيل اللي ربنا قالها. يعني اول حاجة ينزل الملائكة بالروح من امره. اعظم نعمة نعمة الوحي. اعظم نعمة نعمة - 00:13:46

نعمه الدين عشان كده دي اول نعمة ربنا زكرها في السورة. بعد كده والانعام خلقها. ربنا خلق لك الانعام. لكم فيها دفع. تخيل لما ربنا قبل ما يقول لك اللحمة الجميلة واللحمة البتلوا واللحمة الضاني واللحمة العجالي واللحمة الكندوز واللحمة المش عارف ايه. مرة كده لقيت سوبر ماركت كبير اوبي - 00:14:06

عامل اه اه عروض اللحمة بتاعته فبقرأ عروض اللحمة انا ما كنتش اتخيل ان كل دي انواع لحمة. وان الانعام دي موضوع كبير بالمنظر ده بس احتفظت بالورقة ديت قلت الواحد يبقى يحمد ربنا لما يفتكر ان كل ما بيصل في الورقة دي هو كل ده عشانا يا رب انما قبل ما ربنا يقول لك منها تأكلون - 00:14:26

استنى لكم فيها دفع. ايه كلمة دفع دي! هو ربنا عايذني ابقي الدفة! هو ربنا ايه الحنان ده يا جماعة! ايه الحنان ده! كلمة حنان من اولها كده ومنافع تنكير للتعظيم بقى شف الف حاجة. بنادتها من ورا الانعام. ده كفاية الاحماض الامينية الاساسية اللي في الانعام. لولاهـ - 00:14:46

اللي هلكت البشرية اصلا. ولا يوجد مصدر لها الا لحوم الانعام. ومنها تأكلون. يعني مش مش اكبر نعمة يا جماعة الفلوس والاكل يا اخواننا. فيه حاجات الاول دي ومنافع ولكم فيها جمال. ايه ده! ده ربنا بيتمتع لك عينيك كمان. حين تريحونه وحين تسرعون. ربنا بيبنمي الحس الفني جواك - 00:15:06

ربنا بيبنمي احساسك بالجمال. يعني ده مش حاطط لك الاكل على الترابيزة. ده حاطط لك بوكيه ورد كمان. يعني يعني طب انا هاكل كمان كوكى ورد عشان تستمتع عينيك وانت بتاكل وتستلز بالاكل. وتحمل اثقالكم الى بلد لم تكونوا بالغين. الا بشق الانفس. كان الانسان هتطلع - 00:15:26

ان ربكم لرؤوف رحيم. رؤوف يا جماعة الطالب لما يكون ساقط وينجحه يقول له درجات رأفة. رؤوف انت ما تستاهلش بس ربنا اللي رؤوف. انت ما تستاهلش النعم دي كلها. بذنبكم ولكن ربنا رؤوف. والخيل والبغال والحمير لتركبوها وزينة في - 00:15:46
ملكية كمان على باب القصر اللي هنتكلم عنه دلوقتي. هتلاقى فيه موكب ملكي يوصلك للقصر. ويخلق ما لا تعلمون زي العربيات والسفن والطيارات في العصر الحديث وعلى الله قصد السبيل ومنها جائز. يعني مش كل الحيوانات كائنات طيبة كده. الجمل طفل عنده - 00:16:06

خمس سنين يجر عشر جمال وراه لأد فيه كائنات صغنة قد كدهوت وتجري الف واحد منكم قدامها. يعني كان ربنا ممكن يخلقها كلها كده افتكروا ان ربنا خلقها انعام ماشية وراكم. وافتدركوا ان زي ما فيه انعام طيبة وفيه حيوانات جائرة. فيه برضو بشر طيبين - 00:16:26

مسالمين ومستسلمين لامر الله. وفي بشر جائرة ويخلق ما لا تعلمون هو الذي انزل من السماء ماء. تخيلوا كده يا جماعة يعني ايه؟

يعني هو منظر غريب اصلا السماء المادية وهي نازلة من فوق يعني ربنا - 00:16:46

خلی کل حاجة تيجي من تحت. ما عدا حاجتين. خلاهم بييجوا من فوق النور بتاع الشمس والمادية. الاتنين دول بييجوا من فوق.
عشان ربنا يقول لك المادية والنور ما بييجوش غير من فوق. يعني منز نور الشمس وهو جاي لك من فوق كده ومنز - 00:17:02
مية وهي قاعدة تنهمر من فوق كده منز يخلع القلب. بس لو فيه قلب حي. كل ده لنا يا رب. كل ده عشانا احنا. كل ده واحنا قاعدin
نظمها بالمعاصي - 00:17:16

يعني انزل من السماء ماء. تخيلوا يا جماعة لو كل نوع من انواع المزروعات كان بيتسقى بشراب شكل. انت بترمي المادية هتزرع تفاح
تفاح هتزرع مانجة هتزرع آآ خيار هتزرع بطيخ هتزرع آآ كرفس هتزرع آآ يعني - 00:17:26

تزرع اللي انت عايز تزرعه هتزرع كيك كله حاجة واحدة هترمي شوية مية وتحلص. تخيل لو كل نوع من انواع الزراعات كان له
عصير شكل او له مشروب شكانبني ادم ارهق قد ايه ينبت لكم به الزرع والزيتون والنخيل والاعناب ومن كل الثمار بترمي شوية
مياه والقصة خلصت وسخر - 00:17:46

فلكم الليل والنهار والشمس والقمر. ن Zam الاضاءة جوة القصر اللي احنا هنتكلم عنه. سخر لكم. تخيلوا يا جماعة لو كان النهار بيجي
فجأة. لو كان يعني انا دلوقتي بتتك على الزرار ده يقوم النور يقطع. اتك عليه يقوم النور يفتح. تخيل لو كانت بزار. فجأة الشمس
طلعت. فجأة الشمس راحت - 00:18:06

انما اسلوب يولج الليل ويولج النهار في الليل. اسلوب اللي هو الدخول التدريجي. التدرج ما بين ن Zam الاضاءة بتاع النهار و Zam
الاضاءة الليل ده معجزة من ربنا ورحمة من ربنا ان ما جتنش فجأة في عينيك الشمس كده. ولا جيت ضلعة فجأة قدامك كده.
الدنيا جاية بالتدرج. مين - 00:18:26

اللي عمل كل ده ومين اللي رتب لك ده ؟ وربنا يقول لك وسخر لكم التسخير ده معناها ان الكائنات اللي ربنا بيقول لك انا قلتها لك دي
وحوش اصلا. يعني لما ربنا يقول لك انا سخرت لك الشمس. انا سخرت لك وسخر لكم البحر. وهو الذي سخر البحر لتأكلوا منه. لما ربنا
يقول لك انا سخرت لك - 00:18:46

معناها البحر ده وحش اصلا. يعني التسخير يا جماعة يقول لك يعني التسخير ده يعني ايه ؟ يعني عارفين جنون البقر كده لما البقر
في سنة من السنوات السابقة بقت البقرة تجري بلد قدامها. قال لها مش دي البقرة اللي كانت بتجري بتسقب بحبل عيل عنده خمس
سنین بيسق - 00:19:06

يعني اووعي تننسى ان الحاجات دي اصلا وحوش. ربنا اللي سخرها لك. اووعي تننسى ميكروب الایدز ده خلية واحدة من خلايا المناعة
اتجنت. دمرت الانسان وخلت اصغر مرض يدمر الانسان ودي حياته. خلية واحدة بيسموها في الطب - 00:19:26
استر وبتابع جهاز المناعة. يعني تخيل انت جوة بقك نص مليون نوع من انواع الميكروبات. جوة بقك. لو نوع واحد قلب عليك بس.
نوع واحد قلب وبدأ يعمل امراض. تخيل انت هيحصل ايه جوة جسمك ؟ يعني انت ربنا النص مليون نوع دول قاعدin يفبدوك مش
قاددين يضروك ولا حاجة. دول بيفيدوك - 00:19:46

يعني يعني ايه هو السرطان يا جماعة ؟ السرطان ان خلية من جسمك اتجنت. هو الالف مليار خلية بتوع جسمك كلهم ماشيين في
اتجاه واحد جاء نفعك اتجاه افادتك. السرطان مش خلية آآ يعني مش خلية فسدت ولا حاجة. السرطان ان خلية بقت ماشية لحسابها.
ما عادتش ماشية - 00:20:06

سمك انت. خلية اتجنت وخرجت عن المنزومة كده. ما عادتش ماشية حسابها انت. على حسابك انت. زي العاصي كده اما يخرج على
المنظومة. فدمرت الجسم كله. يعني السرطان ان خلية نزع منها التسخير. الایدز ان خلية في جهاز المناعة نزع منها التسخير.
جنون البقر - 00:20:26

مخلوق وديع نزع منه التسخير. عشان كده اينشتاين كان بيستدل بالالية دي على وجود الله وسخر لكم الليل والنهار والشمس والقمر
والنجوم مسخرات بامره. اينشتاين كان بيستدل بالنجوم مسخرات بامر على وجود الله. طبعا اينشتاين لا كان يعرف القرآن ولا كان

يعرف الكلام ده. هو كان - 00:20:46

يقول لك الاسلام هو اقوى الاديان لاسباب كان بيقعد يعدد الاسباب للإسلام وهو اقوى الاديان. انما هو اينشتاين راجل يهودي يعني لا له لاري القرآن ولا له دعوة بالكلام ده - 00:21:06

انور كان بيستدل بايه؟ بزاهرة التسخير هو لقطها. لقطها. قال لك الوقتي هي النجوم اللي اقوى من الارض ولا الارض اللي اقوى من النجوم؟ قال لك النجوم اقوى مليارات المرات - 00:21:16

ده الارض دي حته زرة تراب كده تاييه في الكون. هي الارض دي لها قيمة اصلا وسط المجرات العملاقة. قال لك طب هو مين اللي بيستخدم مين ؟ الارض اللي بتخدم النجوم ولا - 00:21:26

النجوم اللي بتخدم الارض قال لك لأ ده الكون ده كله بيستخدم في الارض. قال لك الله! يبقى معنى ان القوي بيستخدم الضعيف ايه ؟ ان فيه حد اقوى من الاثنين - 00:21:36

هو اللي اخضع القوي للضعف. قال لك ابقي يقينا في الله هو اللي خلى النجوم دهيت تخدم الارض. فكان يستدل بهذا على وجود الله سبحان الله فلو كان سمع اية زي ديت يا ترى كان حصل له ايه ؟ ولكن تقديرنا في الدعوة خلانا ما نوصلش المعاني ديت للغرب والنجوم مسخرات بامرها. تخيل - 00:21:46

انت دخلت بلد كده لقيت واحد غلبان يا عيني حافي وبنطلونه مقطع وشعره منكوش ولقيت رئيس الجمهورية قاعد يلمع له في الجزمة ولقيت وزير الداخلية قاعد يلبسه في الشراب. ولقيت آآ وزير الدفاع قاعد يسرح له في شعره. لا يمكن ده - 00:22:06
هيخلி دول بيقوا خدامين عنده. هتقول ايه ؟ يقينا فيه واحد اقوى من دول هو اللي اخضع دول لده. لأن ده ما ينفعش يخضع دول او بالزيط يا جماعة الكرة الارضية دي ازاى الكون ده خاضع لها؟ ازاى الكون ده بيستخدم عليها؟ هي دي كلمة التسخير اللي احنا بنقراتها كتير في القرآن ولكن بنعني - 00:22:26

عليها. وما ذرأ لكم في الارض مختلفا الوانه. تخيلوا الدنيا دي لو كانت ابيض واسود بس. كان ممكن ربنا يخلقها ابيض واسود بس. ربنا خلقها لنا الوان ليه ربنا متعنا بالالوان ليه ؟ ويقول لك في كل لون تمنميت الف درجة لونية. تخيل كده ربنا خلقها لنا كده ليه ؟ وعينيك بتجيبي الكلام ده ازاى - 00:22:46

ده في القنوات الفضائية يعني يمكن تلبس مسلا بدلةبني وتخرج يقول لك ما شاء الله البدلة السوداء اللي انت كنت لابسها دي صورة مين يا عم ده بنى - 00:23:06

تخيلوا عينك بتجيبي تمنميت الف درجة لو هي في كل لون. تخيل كده اخطر كاميرات العالم ما تعرفش تجيبي الكلام ده اصلا. ولا تعرف تجيبي الامكانيات اللي ربنا اداها لك دي نعم من ربنا. مين اللي بيشركتها وهو الذي سخر البحر لتأكلوا منه لحما طريا. هو المفروض يا جماعة السمك اللي بيطلع من - 00:23:16

النيل يبقى طعمه حلو. انما سمك اللي بيطلع من البحر المفروض يبقى مملح اصلا. يبقى فسيخ. المفروض السمك اللي بنصطاده بالبحر يبقى فسيخ. ليه ؟ سمك عايش في مية مالحة بيشرب مية مالحة كل حياته وسط مية مالحة لا يمكن يتخييل ان السمك ده يطلع لك مسكر في الآخر. ازاى ؟ ربنا بقدرته اللحم الطري - 00:23:36

جميل العذب دهو خارج لك من المایة الاجاج اللي ما حدش يقدر يدوق منها اي حاجة. قدرة ربنا سبحانه وتعالى. طيب ايه المعنى يا جماعة؟ ايه القصر اللي ربنا بيوصفه في اول سورة النحل ده. تعال ندخل مع بعض كده القصر. اول حاجة والانعام خلقها. الله! ده الاوبن بو فيه بتاع - 00:23:56

ده المطبخ المطبخ بتاع القصر. يعني الايات مدخلاتك على المطبخ الاول شف الانواع من اللحوم اللي ربنا جاييها لك انزل من السماء ماء ده فيه مشروبات كمان ينبع لكم به الزرع والزيتون والنخيل والاعناب. ده فيه كمان فواكه. يعني الاوبن بو فيه المطبخ المكونات بتاعة الاكل والشرب - 00:24:16

الشوربة بتاعة الفيلا ديت شف شكلها ايه. وبعد كده آآ لكم منه شراب ومنه شجر فيه تسيمون. ده دي الجنينة بتاعة القصر. ده ربنا

كمان بيوصف لك الجنينة. يعني مش المطبخ وكل عايز تخرج تتفسح. عايز تشم شوية هو حلوين. الجنينة بتاعة القصر كبيرة او في
ومليانة منازر خلابة - 00:24:36

ومليانة روعة. اخرج. طب انا عايز اتحرك برة القصر. فيه مواكب ملكية لتركوها وزينة. ربنا ما خلهاش على رجليك بس. وسخر لكم
الليل والنهار هو الشمس والقمر نزام الاضاءة جوة القصر. ازاي نزام الاضاءة النور ببيجي ازاي وبيروح ازاي؟ ازاي نزام الاضاءة البديع
ده جوة القصر؟ وما - 00:24:56

قرأ لكم في الارض مختلفا الوانه. ربنا ازاي الجدران ادھنت؟ ازاي ربنا لون لك حياتك؟ ازاي القصر ده؟ الديكورات بتاعة القصر الالوان
المبهجة بتاعة كل مكون من مكونات الاصل تعيش في مكان جميل جدا. انت عايش في مكان ممتع جدا. انت مش عايش في مكان
ممل. انت عايش في مكان كله جميل - 00:25:16

وكله الوان وكله بهجة. وهو الذي سخر البحر. الفيو بتاعة القصر. يعني انت القصر كده مش ناشف كده. الدنيا مش صح ده فيه بحر
جميل وموچ جميل وشواطئ جميلة. الفيو بتاعة القصر بتطل على بحار في غاية الروعة. وفي غاية الابداع. ده كمان - 00:25:36
وستخرجوا منه حلبة تلبسونها. ده فيه مجوهرات ربنا خلقها عشان تتمتع عينك وتستمتع به وبعد كده
يعني انت متخيل كل حاجة من ديت بتديك ملمح عن الاستقبال الملكي اللي ربنا نزل لك الارض به. والقى في الارض - 00:25:56
ارض رواسي ان تميد بكم. نزام الامان في القصر نزام عالي جدا. وانهارا وسبلا لعلكم تهتدون. يعني تخيلوا لو الدنيا كانت من غير
المعالم يا جماعة كان اي واحد نزل يشتري كيس ملح كنته. انما الدنيا الاصل ده مليان معالم عشان ما تتوهش جواه. في النهاية -
00:26:16

يعني تخيل كده لما ربنا يخلق للانسان المنزد ده. يا جماعة يعني فيه انسان يقدر يعد النجوم لو عديننا النجوم مش هنقدر نعد نعم ربنا
سبحانه وتعالى ابدا ربنا بيقول لك في الآخر وان تعدوا نعمة الله لا تحصوها وان للشك معناه ان البنى ادم ده جاحد اصلا - 00:26:36
هو مين اللي بيفكر بعد النعم؟ وان تعدوا بضمير الجمع. تعدوا ديت جمع. يعني لو الدنيا كلها اكتمت عشان تعد برضه مش هتعرف
نعمه الله نعمة دي مفرد. يعني لو الدنيا كلها اجتمعت عشان تستقصي نعمة واحدة مش هتعرف. لا تحصوها مش لا تعدوها. لأن
الاحصاء - 00:26:56

ان النعمة ديت اثراها في حياتنا شكلها ايه؟ تعالوا اما نتكلم الشمس دي بتعمل لنا ايه؟ تعالوا اما نتكلم ازاي التعقيم جهاز
الميكروويف بتاع الشمس اللي قبلك الكرة الارضية الاوتو كلاف اللي بيعقم لك الكرة الارضية كل يوم. تعال نتكلم الشمس دي لو كانت
بعيدة. طب لو كانت قريبة. طب تعال يعني القصة يا جماعة - 00:27:16

ان نعمة واحدة ما تقدرش تستقصي اثار اسرها. يبقى ازا لما نشوف سورة النحل وهي بتقول لنا وما بكم من نعمة فمن الله وما بكم
وما بكم باقي المصاحبة. ده انتم غرقانيين نعم. ده انتم يعني من راس من مفرق راسكم لصابر رجليكم - 00:27:36
غرقانيين نعم ده انتم بتترفلو في نعم ربنا وما بكم من نعمة فمن الله. الاية ديت يعني اية تكسف الانسان في معاملة ربنا سبحانه
وتعالى قال ايه وما بكم من نعمة فمن الله؟ تعال نشوف كده اللبس اللي انت لابسينه الوقت ده. يعني الرجال ده لابس قطن والرجال
ده لابس كتان والرجال ده لابس يعني احنا في الصيف اللي في الشتاء - 00:27:56

اي حد لابس اي حاجة بقى ما القطن ده ربنا اللي خلقه وطالع من النبات. والصوف ده ربنا اللي خلقه وجايبينه من الانعام. واللي ما كل
ده يعني لو شلنا نعمة ربنا كل اللي في المسجد دول هيبيقو عاريا - 00:28:16

ما فيش هدوم. الهدوم بتاعة ربنا. طيب احنا قاعدين دلوقتي في بيت وكل واحد مننا يروح شقة ويقعد فيها. هي الشقة دي ايه؟ زلط
ورمل. ما الرمل ده بتاع ربنا. ما هو جاي من - 00:28:32

من من الصحراء بتاعة ربنا والزلط ده جاي من الجبال بتاعة ربنا وال الحديد ده جاي من المناجم بتاعة ربنا المعادن اللي خلقها في الجبال.
الله! يعني لو وربنا صاحب نعمته احنا هنقدر في الشارع. طب هنقدر في الشارع! طب نجيب سراير وننام في الشارع وامرنا لله. طب
ما السراير دي الخشب بتاع ربنا اللي خلقه من الاشجار! يعني هنام على الارض - 00:28:42

يعني هناكل ونشرب حتى من غير ترايبيزة سفرة! يا عم تاكل وتشرب ايه! ما الاكل والشرب ده المطر بتاع ربنا اللي نزل اللي طلع الاكل بتاع ربنا! يعني انت من غير ربنا هتعيش عاري وهتعيش في الشارع وهتتمام على الارض وهتموت من الجوع. يعني وده ايه؟ ده ده بعض النعم بكم من نعمة - 00:29:02

فمن الله. عشان كده ربنا يقول لك في سورة النحل والله جعل لكم مما خلق ضالا. وجعل لكم من الجبال يا كنانة وجعل لكم سرابيل تقىكم الحر وسرابيل تقىكم بأسمكم. كذلك يتم نعمته عليكم لعلكم - 00:29:22

لما كل النعم دي تغرقك كده يمكن والله جعل لكم من ازواجكم بنين وحفدة. تخيل كده لما انت كده بقى وانت كبرت تلاقي حته بتاع صفنن كده ابن بنتك ولا ابن ابنك وتعيش الحياة الجميلة وتبدأ تخيل كده ربنا متعك قد ايه ربنا نعم - 00:29:42

قد ايه ؟ ربنا عمل لك ايه ؟ احنا عاملين في معاملتنا لربنا زي واحد عليه الواحد خمسين مليون دولار وبعد كده الرجال ده كسيب جدا يا جماعة انه مش مديون وممش كسيب لا - 00:30:02

السيف جدا بيكسب كل يوم خمسة وتلاتين قرش. اربعين قرش. فكل يوم كده يروح بقى يحط له في ايده كده شلن يقول له خد ده. ايه؟ يلا من الخمسين مليون دولار. تاني يوم - 00:30:12

فتحت عليك كسب له بريزة. خد دي خلاص بس ايه خلاص. الحمد لله مد ايده لربنا حقه وزيادة. الحمد لله يا عم حقه مين يا عم يا عم اتكسف. يا عم انت ما انتاش عارف ايه اللي يا عم كل واشكر. كل واشكر انما بالمنزد ده بالمنزد اللي احنا عاملينه ده. يا اخي حرام عليك - 00:30:22

انت لو قلت لك تبعي كبدك الوقتي بخمسين مليون دولار تقول لي يا عم انت بتتكلم ازاي ؟ طب يا عم كلتك بعشرين مليون يورو يا عم ولا الف مليون يورو. طب بع لي ايديك ورجليك وعينيك - 00:30:42

دولقتي بسبعين مليون استرليني. انت انت الوقتي انت لو اتفككت هتبقى اغنى من اغنى بنك على وجه الكرة الارضية. واحد مجنون في مستشفى امراض عقلية واحد بيزوره لقا عاملين له الاوضة متبطنة. قالوا له ليه؟ قال لهم ليه؟ قالوا له الرجال ده قعد يخبط راسه في الحيطه على طول هيوموت نفسه - 00:30:52

نفسه هيحطم عضم جسمه فبطروا له جدران الاوضة عشان ما يعرفش يخبط نفسه. ده واحد مجنون. واحد مجنون ده واحد بس اتاخد منه حاجة ما حدش عارف هي ايه اصلا. ما حدش عارف هي ايه. تخيل انت نعمة العقل اللي ربنا مديها لك ده. الرجال اللي كان ماشي بالعربية الفارهة وعمال التراحيل كل واحد شايل - 00:31:12

داخل على ضهره يا سلام! يا سلام على الناس اللي عايشة! الرجال وقف لهم! قال لهم انا عندي زرع كبد! وما بخلفش ونفسي في سندوتش طعمية مش عارف اكله. تاخدوا كل اللي ربنا اداه لي. وتديني اللي ربنا اداه لك. تاخد كل اللي عندي وتديني اللي عندك؟ قال له لأ - 00:31:32

خلاص يعني المنزد اللي انت شايفه ده. افتكر نعمة ربنا عليك ايه. يعني يقول لك في حكيم صيني مرة اه الناس قاعدة بتشتكي من ظروفها تشتكى فقال له في واحد اكتب لي ابتلاءاتك اكتب لي الهموم اللي عندك وحطها في الصندوق ده. وفي الآخر لخبط الورق وقال له كل واحد اسحب ورقة غيرك. فكل واحد اول ما بتص في ورقة غيره قال لأ - 00:31:51

انا عايز ورقتى. الحمد لله على الهموم اللي عندي. ده الواحد في نعمة من ربنا سبحانه وتعالى. يقول لك واحد راح آآ يعني السفينه بتاعته غرفت فاترمى على جزيرة لوحده فيعني الرجال حطم هعيش حياتي هنا. طب اعمل ايه؟ بدأ يكافح وقال لازم اقاوم وبدأ يعمل كوخ خشب - 00:32:11

وبدأ يجمع خشب وولعه وبدأ يطبخ لنفسه اكل. النار قامت ماسكة في الكوخ في كل حاجة قامت مولعة كل حاجة. قعد متحطم قال يا رب ليه كده بس؟ يا رب - 00:32:31

تاني يوم لقى السفينه جاية تنقره. فيبيقول لهم انت عرفتم منين ان انا هنا قالوا له شفنا دخان طالع. شفنا دخان طالع فعرفنا ان بالتأكيد فيهبني ادم اترمى على - 00:32:41

الجزيرة دي فجيئنا ننفرك الحقيقة اللي كان قلبه محروق منها امبراح هي كانت سبب نجاته وانقاذه. بس الانسان يصدق ربنا. الانسان يصدق ربنا سورة النحل بتتكلم عن نعم الله سبحانه وتعالى. طيب ايه قصة سورة النحل؟ او ايه اسم سورة النحل؟ او سورة النحل -

00:32:51

وضوحاها ايه يا جماعة؟ يعني آآ سريعا كده سورة النحل بتتكلم عن الدعوة الى الله. قال لها مش هتتكلم عن النعم تتكلم عن الدعوة الى الله. بتتكلم عن الدعوة. وازاي ان الداعية ده لازم بيصر الناس من عمرو -

00:33:11

ربنا ولازم يعرف الناس ربنا عمل لهم ايه. لأن الداعية عكس مين الداعية بيحارب مين؟ بيحارب الشيطان صح؟ الشيطان هو الداعية للضلال. الشيطان كل خطته ايه؟ ها؟ لاقعدن لهم صراطك -

00:33:25

المستقيم ثم لاتينهم من بين ايديهم ومن خلفهم وعن ايمانهم وعن شمائهم ولا تجد اكترهم ايه؟ شاكرين. يعني الشيطان كل خطته بيقول لربنا كده انا كل شغلي ان انا انسبيهم انت عملت لهم ايه. الشيطان ده تفكيره. كل شغل الشيطان انه الاول ينسيك -

00:33:41

ربنا عمل لك ايه؟ بعد كده ابدأ بقى يتعامل معك بعد ما نسيت مين هو ربنا وربنا عمل لك ايه؟ فبالضبط كده فالداعية لازم وزيفته الاولى يفكر الناس ربنا عمل لهم ايه؟ لازم اول حاجة تفتكر انت كنت ايه وربنا عمل لك ايه؟ وهي دي الموضوع اللي بتتكلم عنه سورة النعل -

00:34:01

وده الرابط ما بين موضوع الدعوة وما بين ايمان ربنا كأن اكبر واطر موضوع دعوي لازم الدعاء يتكلموا فيه لازم يفكروا الناس ربنا عمل لهم ايه؟ ربنا اداهم ايه؟ ربنا اكرمه قد ايه؟ عشان كده سيل النعم في سورة النحل من اولها لآخرها. طيب فين الكلام عن الدعوة الى الله؟ في سورة -

00:34:21

قال تعالى وضرب الله مثل رجلين احدهما ابكم. احدهما ايه؟ ابكم. اللي ما بيتكلمش عن ربنا ده اخرس. اللي ما بيتكلمش ربنا ده ابكم ده انسان هو لسانك ده وظيفته ايه غير انك تتكلم به عن ربنا. طب اللي ما بيتكلمش عن ربنا شف ربنا بيقول لك ايه احدهما ابكم لا يقدر -

00:34:41

على شيء ما عندوش اي قدرة على تغيير اي واقع. لا عارف يغير في الشغل بتاعه. ولا عارف يغير في الدراسة بتاعته. ولا عارف يغير في البيت بتاعه. ولا عارف يغير في المنطقة بتاعته. ولا عارف يغير في العيلة بتاعته. ولا عارف يغير في الشلة بتاعته. ايه! في انسان عاجز للدرجة دي. فيه انسان -

00:35:03

توقف عن الدعوة للدرجة ديت ما لوش اي قدرة في تغيير الواقع. ما بيغيرش اي حاجة زي ما هو كده. زي ما هو عكس عكس قول الله سبحانه وتعالى في اللي احنا سمعناه في الركعة الثانية في صلاة الفجر وجعلني مباركا ايه؟ اينما كنت وجعلني مباركا اينما كنت -

00:35:23

اللي هو كل ما يروح مكان يغير فيه. يركب ميكروباص كان مشغل حاجات فاسدة. ينزل وهو مشغل قرآن. كل كل ما يروح مكان. وضرب الله مثل رجلين احدهما ابكم لا يقدر على شيء وهو كل على مولاه. فيه انسان كده يا جماعة هو حمل. حمل على الدعوة. هناك كلمة الشيخ حسن البنا رحمه الله. هناك -

00:35:43

كم يحملون الدعوة وهناك من تحملهم الدعوة. يعني العمارة ديت العمارة ديت لها عشر عواميد زي العمود ده. ولكن العمارة دي ساكن فيها مسلا تلتزمتبني ادم فهو كده الدعوة كده يا جماعة. الدعوة عاملة زي العمارة ديت. فيه عواميد شالية العمارة. وفيه ناس متسللة في العمارة -

00:36:06

ففي ملتزمين وملتزمات شاليين الدعوة وفيه ناس تانية متسللين مش عايز يشيل. ما بيشيلش دين وهو كل على مولاه. اينما يوجهه لا يأتي بخير. ما فيش مرة كده جاي لربنا بالخير بتاعه. ما فيش مرة كده جاي الدرس معه واحد صاحبه جديد تعال اما اعرفك على جو الدين والصحبة -

00:36:26

ما بيجيش بخير ابدا. كل مرة داخل ايد ورا وايد قدام. منزريكسف. انك كل مرة داخل المسجد ايد ورا وايد قدام. يا اخي كيس فاكهة يا اخي. عيب يا اخي -

00:36:46

يا اخي يا اخي بتاعة حلويات يا اخي. عيب يا اخي! يا اخي! عيب! كل مرة جاي لربنا ايد وراء وايد قدام! يا اخي معك واحد صاحبك مش ملتزم دخله. يا اخي معك مراتك تجيبها. يا اخي هتعيل من عيالك يرتبط بيئنة المسجد. انما مش مكسوف - 00:36:56
ايد ورا وايد قدام على طول كده ما ينفعش. لازم نفك شوية يا جماعة. هل يستوي السلب الانسان السبلي ده الانسان الابكم ده الانسان اللي ما بيشتغلش في الدعوة ده هل يستوي هو ومن يأمر بالعدل خد بالك شف بقى يأمر قوة في الدعوة الى الله وهو على صراط مستقيم - 00:37:16

والمعنى ده سورة النحل بتتركز عليه جدا. اووعى اووعى تبقى بتكلم الناس عن الدين باقولك وبتنفر الناس من الدين بافعالك اووعى وهو على الصراط المستقيم. يعني يأمر بالعدل وبيدعوا الى الله هو انسان كويس. سورة النحل بتتكل بتتكل - 00:37:36
باهل الدين اللي بينفروا الناس من الدين بسبب اخلاقهم. بتتكل باهل الدعوة اللي بيدعوا اسئلة الدين باقولهم كفروا الناس من الدين بافعالهم. عشان كده يعني سبحان الله ربنا بيقول بعدها في - 00:37:57

يات عجيبة ان الله يأمر بالعدل والاحسان وايتاء ذي القربى يا رب ذي القربى في الوقت ده احنا في مكة يا رب سورة النحل نازلة ايام هجرة الحبشة. لما الصحابة خلاص من التعذيب مش قادرين يقعدوا في مكة. هجوا من مكة للحبشة عشان يعبدوا ربنا هناك - 00:38:17

تاذى القربى يا رب احنا كل قرائيننا كفرة اصلا. يعني في الوقت ده ما كانش فيه واحد منهم قرائيه مسلمين كل قرائيه كفرة. بالعدل. يا رب دول كفرة. اعدل ما هو الاحسان يا رب احسن لمين؟ ده الاسر الفقيرة اللي في مكة كلهم مشركون اصلا والاحسان. وايتاء ذي القربى. يا رب ده انا عمي وخالي ومرات عمي ومرات - 00:38:37

خالي وابن خالتي وابن عمي ده كلهم كفرة وايتاء ذي القربى. عرفوا الناس جمال الدين. وروا الناس اخلاق الدين فروا الناس معاملات الدين. عرفوا الناس جمال الدين قد ايه. زي ما النبي عليه الصلوة والسلام اول ما دخل المدينة اول حديث قاله ايه الناس افسوا السلام - 00:38:57

خدوا بالكم لما النبي دخل المدينة ما كانش كلها مسلمين ولا حاجة. كان فيها مشركون كتير. ويهود كتير. افسوا السلام. واطعموا الطعام وصلوا الارحام وصلوا بالليل والناس نياں تدخلوا الجنة بسلام. اربع تكاليف ثلاثة منهم تكاليف اجتماعية مش تكاليف تعبدية. هو قيام الليل - 00:39:17

بس لتعبدى. انما افسوا السلام. تخيل واحد قاعد كده واحد بيقول السلام عليكم يا فلان. ايه يا عم انت كنت بتعدى اصلا ما بتعبرش حد. اصل انا اسلمت. واطعموا الطعام. واحد فقير - 00:39:37

كده الاقي واحد بيقول له خدي يا عم ده انت جلدة ما بيهدونش عليك حاجة. اصله اسلم وصلوا الارحام. يا اخي واحدة عجوزة تلاقي واحد داخل عليها ابن آآ حد بقى قريبهها يرمي حاربها وداخل عليها بيسلم. يا عم ده ما كانش بيعبر حد. اصله اسلم. حسسه الناس ان المجتمع اتغير - 00:39:47

الاسلام. حسسو الناس بشمرة اخلاق الاسلام. يا اخوانا احنا جوة المسجد عبادتنا. كل بكاءك ودعائك ده جوة المسجد. كل ده الغرب الكفار لا يروا منا الا اللي برة المسجد اللي هو الاخلاق. فلاسف الحاجة الحلوة اللي عندنا العبادة ما حدش شايفها. وال الحاجة الوحشة الاخلاقية اللي الدنيا كلها كارهة الاسلام - 00:40:07

بس بأخلاق المسلمين والعياز بالله. بسبب تغير المسلمين. اكبر حجر عثرة في طريق دخول غير المسلمين الاسلام هو المسلمين. هو المسلمين الكلمة اللي كان قالها واحد بيقول في جبل ما بين العالم الغربي وما بين الاسلام. فقالوا له الجبل ده ايه؟ قال لهم الجبل ده اسمه المسلمين - 00:40:27

هم حجر العزرة اللي بيدخل في الاسلام برة وييجي يقول اما ازور بقى بلاد الازهر وبلاد المش عارف ايه عشان ادخل اشوف الدين عمل ايه فيه ناس منهم بترتدي يعني لاعب امريكي لما جه ارتد اصلا لما شاف اخلاق الناس واللي بيتصب عليه واللي فاكره خواجة فيباكل عليه الدولارات واللي فاكره مش فاهم حاجة - 00:40:47

مش عارف ايه الرجال ارتد ورجع. فانت متخييل ان اللي بيدخل في الاسلام وييجي يشوف المسلمين بيقول الحمد لله ان انا اسلمت قبل ما اشوف المسلمين. انا لو كنت صوم قبل مسلم عمري ما كنت دخلت في الاسلام. فسورة النحل بتعالج القضية الخطيرة دي ان الله يأمر بالعد مع الجميع والاحسان وابقاء القربي - 00:41:07

وينهى عن الفحشاء والمنكر والبغى. اوعوا اوعوا بسبب فساد الاخلاق بتاعكم. اوعوا تكرهوا الناس في الدين وفي الدعوة. عشان كده واوفوا وبعهد الله اذا عاهدتم ولا تنقضوا اليمان بعد توكيدها. اوعوا تبقى من النوع اللي بيتفق ويخرجون من النوع اللي بيتعامل تجاري ويرجع في - 00:41:27

من النوع اللي اوعوا بسبب فساد اخلاقكم تكرهوا الناس في الدين. الامر لا يحتمل ولا تكونوا كالتي نقضت لها من بعد قوة انكاثا. هتفضلو تشتعلوا في الدعوة الى الله. وده اللي حصل السنين اللي فاتت. هتفضلو تشتعلوا في الدعوة في الدواء في الدعوة. وبسبب بعض السلوكيات - 00:41:47

الفاسدة وبسبب بعض الاخلاقيات الفاسدة كل اللي انت بنیته باقوالكم هتهدوه بافعالكم. ولا تكونوا كالتي قضت غزلها من بعد قوة انكاثا. ليه؟ تتخذون ايمانكم دخلا بينكم. ان تكون امة هي اربى من امة. بقت القضية قضية مصالح - 00:42:07

مين الاقوى؟ حسابات قوة نقف مع القوي نجيب فتاوى للقوى قصة كبيرة مش هنقدر ندخل فيها الوقتي ولكن احنا بنبص من بعيد ولا تتخذوا ايمانكم دخلا بينكم. اوعوا اخلاقكم تفسد. اوعوا تزل قدم بعد ثبوتها. فنزل قدم في ناس - 00:42:27 هترتد بسبب فساد الاخلاق. بتاع الملتزمين. فيه ناس هتلحد بسبب فساد الاخلاق بتاع الملتزمين. فيه ناس فنزل قدمه وربنا بعض العلما قال لك قدم بالفرد معناها ان واحد بس ينتكس دي مصيبة. معناها ان واحد بس يكره الدين بسببك دي مصيبة. فنزل قدم - 00:42:47

بعد ثبوتها وتذوق السوء بما صدقتم عن سبيل الله. هو ربنا بيكلم ابو جهل وابو لهب! ده ربنا بيكلم الصحابة يا جماعة. وتذوقوا السوء بما صدتم انا يا رب هو انا ممكن اصد عن سبيل الله؟ اه. لو معاملاتك مش حلوة. لو اخلاقك مش حلوة. انت ماشي قاعد تكره الناس في الدين كده. تكريه جماعة كده - 00:43:07

اعداء الدعوة فرصة انهم يطعنوا الدعوة بك. حولت نفسك لسكنينة الدعوة تتطعن بها. بسبب فساد الاخلاق والمعاملات قضية ان سورة النحل بتتكلم عن الدعوة الى الله و بتتكلم عن اخلاقيات الداعية و بتتكلم عن زاد الداعية حتى نهاية السورة ادعوا الى سبيل ربك - 00:43:27

الحكمة والموعظة الحسنة امر ادع الى سبيل ربك بالحكمة والموعظة الحسنة وجادلهم بالتي هي احسن. ادعوا الى سبيل ربك يعني السورة تتحدى عن الدعوة و بتختتم في النهاية بالامر آآ بالدعوة الى الله واللامح اللي في الدعوة بتاعة السورة يعني فيه ملامح - 00:43:48

مش هنقدر نستقصيها دلوقتي كلها ولكن لازم نعلق عن السورة اسمها سورة النحل ليه؟ اشمعنى اسمها سورة النحل؟ الداعية يا جماعة النحلة هي نموذج للداعية. النحلة ديت يقول لك معلقة العسل الصغيرة دي النحلة لفت على الالف زهرة عشان تجيئها لك. يقول لك - 00:44:08

كيلو العسل تحتاج ان النحلة تلف حوالي الكرونة الارضية آآ آاربعين الف كيلو متر. يعني تحتاجة ان النحلة تمشي اربعين الف كيلو متر. يعني قطر الكرونة الارضية من عند خط الاستواء. عشان يجي لك كيلو النحل ده - 00:44:27 يعني القضية قضية ان النحل ده كان بينزل مجهد قاتل. وبيبل على الاذهار وفي الاخر ما بيجيبلتش الزهرة ويقول لك افضل. ده بيتحول لك الرحيق لعسل وبيجيب لك العسل ويقول لك افضل. العسل ده هو اللي فيه الشفاء بتاعك. بالزيط ده الداعية ده يسهر طول الليل يقرأ في الكتب - 00:44:42

ويبحس في التفاسير ويقرأ في كتب قاعد بقى ما بين الاذهار وفي الاخر يجيب لك الموضوع في شكل كلمة رقرقة عشر دقائق ربع ساعة خطبة جمعة درس ايماني عن بر الوالدين انت ما انتاش عارف هو لف على كم زهرة عشان يجيب لك الخلاصة دي يجيئها لك

في شكل عسل يبقى شفاء الدين - 00:45:02

دينك وشفاء لامور اخرتك. وشفاء لكل امور حياتك. فالداعية لازم يبقى زي النحلة في الجهد بتاعه. لازم يبقى زي النحلة في الدين للناس لازم يبقى زي النحلة في هذه الصفات العظيمة. آآآ عشان كده يا اخواننا يعني كملح اخير نفهم بقى - 00:45:22
الايات اللي ربنا بيتكلم فيها عن المشركين في السورة. ثم يوم القيمة يخزبهم. ويقول اين شركائي الذين كنتم ايه تشاكون فيهم. فيه ناس شئت عشان الباطل في ناس شاهد يعني الكلام هنا عن دعوة المشركين. يعني والله اعلم يا جماعة الايات بتاعة الشرك هنا يعني شوفوا الاية ديت اذا رأى الذين اشركوا - 00:45:42

شركاءهم قالوا ربنا هؤلاء شركاؤنا الذين كانا ندعوه من دونك. الاية ديت يعني صعب انك تلاقي اية في القرآن بتتكلم بالطريقة دي اصلا. واذا رأى الذين اشركوا شركاءهم قالوا ربنا هؤلاء شركاؤنا الذين كانا ندعوه من دونك. يا رب هم دول اللي كنا بنعبدهم من دول - 00:46:07

هو ايه ده! هو فيه واحد مجذون بيجي يوم القيمة يعترف على نفسه! ده الاعتراف اللي انت بتقوله ده هيدخلك خالد في جهنم! هو فيه! لا اصل في فرق يا جماعة ما بين واحد مسلا سرق مرة ما حداش شافه فتيجي تقول له انت حرامي يقول لهم انا حرامي وانا هيقد بقى يدافع - 00:46:27

وبين واحد اتصور له خمس تلاف فيديو وسبعين الف شاهد عيان عليه. فالراجل الثاني ده مش قضيته انه ينفي التوبة هيمنفي ايه هو فيه مجذون هيتفyi تهمة سابته عليه بخمسين الف شريط فيديو! اومال قضيته ايه! ما يضيعش لوحدي! اللي كانوا معه يضيعوا معه - 00:46:47

دول دعوة المشركين. اللي خمسين الف فيديو متسجل عليهم وهم بيحاربوا الحق. وهم سهرانين بيخططوا ضد الدين. وهم بينشروا دعوة للباطل في الدنيا كلها. فده مش قضيته يوم القيمة انه ينفع عن نفسه التهمة. التهمة سابته اومال قضيته ايه؟ انا وهم نضيع مع بعض بقى ربنا - 00:47:07

هؤلاء شركاؤنا الذين كانا ندعوه من دونك مش هضيع لوحدي. مش هيدخل جهنم لوحده والعياذ بالله. يبقى اذا يا اخوانى في الله يعني الصورة بتتحدى عن دعوة المشركين عن الناس اللي بزلت مجهد للشرك يعني نقدر نقول ان سورة النحل فيها ملح قريب من سورة ابراهيم. فاكرين سورة ابراهيم - 00:47:27

امبارح قلنا بتتكلم عن ايه؟ ان زي ما في ائمة للباطل لازم يبقى في ائمة للحق. عشان كده على اسم امام الحق سيدنا ابراهيم. ان زي ما فيه ناس ضحت عشان الباطل - 00:47:47

لازم ناس تضحى عشان الحق. زي المنصرين يا اخوانا يعني الراجل آآ يعني بيقول آآ بيقول له هجيب لك شقة يعني واحد بيتصل بي من بره بيقول لي بيقولوا لي الشقة دي بتاعتك مدى الحياة. جسس لافر يو. انت مش عارف المسيح بيحبك قد ايه ولا ايه. فهو بيترىق بيقول لي ده المسيح بيحبني حب! ده المسيح - 00:47:57

كان هيحب لي شقة وكان هيحب لي عربية وكان هيحب لي فلوس. وكان هيحب لي افخم اكل. وكان هيعمل لي كل حاجة. بس اول انت عارفوا ان انا مسلم للأسف كل حاجة راحت. ففيه طلع ان الكلام ده كله ما فيش بقى لفظ ولا الكلام ده كله. الناس دي بتصرف يا جماعة - 00:48:17

الناس دي بتتفق. الناس دي بتتعجب. الناس دي بتنزل مجهد. فيه واحد عمل برنامج فضائي برة اسمه كلاب سبعمية. او نادي السبعمية. الناس برنامج تنصيري لف على الموزفين في الحكومة برة في انجلترا واقنع سبعميته موزف ان كل موزف يدفع شهرها - 00:48:37

مبلغ قل مسلا عشرة دولار في سبعمية بقى معه كم؟ سبع تلاف دولار تمويل البرنامج شهريا. فاقنع سبعميته موزف انهم يحولوا على طول كده تلائى من المرتب بتاعهم ياخذ الفلوس ويمول البرنامج التنصيري بتاعهم. الناس دي بتصرف يا اخوانا عشان الباطل. عشان كده سورة النحل. فيه ناس شقت عشان الباطل. مين - 00:48:58

تعبان عشان الحق. فيه ناس اتبهدلت عشان الباطل. فيه ناس دعت الى الباطل. ازاي انت تبقى ابكم؟ ازاي انت ما بتتكلمش عن دينك؟ ازاي انت ما بتدعوش الى الله. ازاي انت ما بتتكلمش عن ربنا؟ ازاي؟ لو قلت لك كلمني عن العربيات. يا نهار ابيض! اكلمك عن ايه؟ كريزلر ولا اكلمك عن - 00:49:18

بنتي ولا اكلمك على على المرسيديس ولا اكلمك على اللامبورجيني ولا اكلمك على البي ام وما ادراك ما البي ام ولا اكلمك عن ايه ولا ايه ولا ايه والعربات الباور ولا مش باور والعربات اللي في الاوبشن واللي مش في الاوبشن والعربات المطالع ولا اكلمك عن ايه ولا ايه؟ طيب كلمني عن ربنا ايه - 00:49:38

ربنا ميكروفون اهو معك تعال كلمني عن ربنا. ناس مش هتعرف تتكلم خمس دقايق ليه؟ يعني انا لو اديتك الميكروفون قلت لك كلمني عن كاس العالم بتاع البرازيل يا نهار ابيض! طب يعني انت فاضيين لحد الظهر يا جماعة! اما بس اخلص اللي عندي فيه. و ساعتها مش هتقول اصل انا والله باتكسف. اصل انا بتربي - 00:49:58

اصل كمية المعلومات تكفي انك تتكلم خمس ساعات قبل ما تتلعلل مرة واحدة بس. فاما تعال نتكلم عن ربنا صعب صعب ليه؟ كلمني عن الدنيا بسهولة لأن احنا حبيناها. دخلت قلوبنا. انما الكلام عن ربنا صعب. لأن للأسف الشديد الموضوع مش في قلوبنا - 00:50:18

لان مش بنتعامل بالحب وبالعواطف اللي المفروض نتعامل بها مع هزه القضية. يعني عايزين نركز النهاردة يا اخوانى في سورة الحجر وفي سورة النحل. مش عايزين المعاني المھولة بتاعة القرآن تعدى علينا. عايزين نركز في تلاوة الجزء. يعني زي ما قلنا فكرة ختمة التعارف - 00:50:38

فكرة سلسلة خدمة التعارف اللي احنا ماشيين فيها. بازن الله سبحانه وتعالى الفكرة بتاعة السلسلة ديت ان ازاي نتعرف على القرآن. انا عمري ما هاصاحبك الا لو اتعرفت عليك وعمري ما آآ هيبقى بيمني وبينك علاقة الا لما اتعرف. عايزين نصحى بالقرآن عايزين نعيش مع القرآن. نتعرف الاول ايه هو القرآن ايه جلال القرآن ايه - 00:50:57

عظمة القرآن لما هنعرف عظمة القرآن هتتغير علاقتنا بكتاب الله. نسأل الله سبحانه وتعالى ان يرزقنا حفظ القرآن في صدورنا. اللهم ارزقنا حفظ القرآن في صدورنا. اللهم اجعلنا من يقومون به اباء الليل ويتلونه اباء النهار يا رب العالمين. اللهم احي قلوبنا بالقرآن. اللهم - 00:51:17

انر بصائرنا بالقرآن. اللهم قوي عزائمنا بالقرآن. اللهم اهدنا بالقرآن. وارشدنا بالقرآن. ووفقا بالقرآن. اللهم فاجعله ربنا ونور صدورنا وجلاء احزاننا وذهاب همومنا. سبحانك الله وبحمدك اشهد ان لا اله الا انت استغفرك واتوب اليك - 00:51:37 - 00:51:57